

GUY YAA 2^{FFAA} — ATTAMITTI AKKA KADHANNU NU BARSII SI

“Yesus iddoo tokkotti in kadhata ture; kadhannaa isaa erga dhaabee booddee, bartoota isaa keessaa tokko, “Yaa gooftaa, Yohannis bartoota isaa akkuma barsiise kadhachuu nu barsiisi!” jedheen.” Luq. 11:1

Onee Jireenya Kiristiyaanummaa

Kadhannaan Baay’ee Barbaachisaadha, keessumaa iyyuu baay’ee murteessaadha. “Ganama ganama yeroo fudhaduutii hojii kee kadhannaadhaan eegali. Kun yeroo qisaasessuudha jettee hinyaadin; umurii barabaraan samii waliin jiraattuudha. Karaa Kanaan milkaa’insiifi mo’ichi hafuuraadhaa dhufa.” (*Testimonies for the Church*, vol. 7, p. 194).

Bartootni yeroo baay’ee akka Yesuus kadhata dhugaa ba’aa turan. Isaan akka Jireenya kadhataa kan isaanii irra adda ta’e akka inni qabu hubatan. Bartootni namootaa hafuura turan. Garaa of-keennaafi Waaqayyoon tajaajiluu barbaadu qabu turan. Waldaa ni dhaquu, Sanbata ni eeguu, amanammummaadhaan kurnaffaa isaanii ni deebisuu, akkasumas soorata qulqulluu ta’e soorratu turan. Isiraa’el kan ta’e hundumtuu, keessumaa immoo bartootni akkamitti akka kadhatan ni beeku turan, sirriidhaa?

Akkamitti akka kadhannu ni beekna jennee yaadna. Ijjoolleen illee akkamitti akka kadhatan ni beeku. Garuu bartootni utuu Yesuus kadhata arganii-kadhannaa isaanii immoo kan isaa waliin wal-cina qabanii yeroo ilaalan-yeroo sanaadha akkamitti akka kadhatan akka hinbeekne kan isaan mirkaneeffatan. Sabab kanaafiidha kan isaan “Kadhachuu nu barsiisi” jedhaniif. (Luq. 11:1).

Kadhannaan akkas salphaadha jennee yaadna. Eeyyee Waaqayyo kadhannaa salphaa ta’es ni dhaggeeffata. Garuu jireenya kadhataa keenya itti fufiinsaan fooyyessuu qabna.

Bartootni akka lallaban beeku turan, garuu kan isaan dinqifate hinturre. Fayyisuudhaaf ykn hafuurota hamoota basuudhaaf yaalaa turan, garuu humna hinqaban. Yesuusinis “Akkamittiin kana raawwachuu dandeessa?” jedhanii gaafatanii turan. Yesuus immoo “Tsoomaafi kadhannaadhaan qofa” jedhee isaaniif deebise.

Yesuus bu’uurumaan ogummaa mataakeettiin homaa tokko illee gochuu akka hindandeenye dubbata; Milkaa’insi humna waaqayyoo qofaa keessa jira. Milkaa’uudhaaf cimsitee kadhachuu qabda. Phaawuloos macaafa Roomee keessatti akkaataa itti kadhannu waan hinbeekneef hafuurri qulqulluun nuuf kadhata jedhee dubbata. (Rom. 8:26).

“Kadhannaan hafuura baafannaa lubbuuti. Iccitiin humna hafuuraati.... Shaakala kadhannaa maal na dhiibdeedhaan ilaaluun, ykn kadhannaa darbee darbee godhamu qofa qabaachuun, kadhannaa ciccitaa qabaachuun, akka waan amansiisaa ta’etti sana yaaduun waaqayyootti qabamanii jiraachuu nama dhabsiisa.” (*Prayer*, pp. 12, 13).

Yesuus jireenya kadhannaa humna qabu kan qabuufi halkan yeroo hundumaa kadhannaadhaan kan dabarsu ture. Yesuus mataan isaa namoota gidduu osoo jiraatuu illee yeroo baay’ee kadhannaa keessa ture. . . Karaa hundumaadhaa fakkeenya keenyaadha. . . Abbaa isaa waliin walitti dhufeenya uumuudhaan gammachuufi jajjabina argate. Fayyisaa namootaatiif, ilma Waaqayyoottiif, barbaachisummaan kadhannaadhaa hangana erga itti dhgaa’ame, dadhabaa, cubbamaa du’aa kanatti barbaachisummaan kadhannaa onneerra madde, kan garaagara hincinne hangam itti dhagaa’amuu danda’a?” (*Steps to Christ*, pp. 93, 94).

Yesuus kadhaannaa waan hundumaa dura taasifate, Guyaan osoo hineegalin dursa waanta hundumaa godhate. “Ganama barii amma illee osoo hinifin ka’ee, gad ba’ee gara iddoo namni hinjirree dhaqee, achitti Waaqayyoon ni kadhate.” Mar. 1:35. Yesuus kadhannaadhaaf yeroofi bakka qaba ture.

Bartootni yeroo “Akkamitti akka kadhannu nu barsiisi” jedhan, Yesuu “Jechoota Kanaan kadhadaa, jecha tokko qofaa keessa deddeebi’aa” jedhee isaanitti hinhimne. Dhugaadhumatti yeroo hundumaa yeroo kadhatanitti jechootuma tokko qofa irra akka hindeddeebine ifaadhumatti isaanitti himee ture (Maat. 6:7). Yesuusumti mataan isaa iyyuu Yoh. 17 keessatti akkaataa haala barbaachisuun kadhannaa garaagaraa kadhatee ture.

“Kadhannaan akka michuutti garaa ofii waaqayyoof banuudha” (*Steps to Christ*, p. 93). Kadhannaa keessatti, haasaa amanamaadhaan akka mariitti garaa keenya Waaqayyoof banna. Yeroo kadhattu yeroo hundumaa jechoota wal-fakkaatan yoo irra deddebitee dubbatte hojiima idilee sitti fakkaachuudhaan waanta jettullee itti hinyaaddu.

Kadhannaadhaafi sagalee Waaqayyoo qorachuun yeroo hundumaa wal-faana deemu. Karaa kadhannaadhaa nutu Waaqayyotti dubbata; karaa sagalee immoo Waaqayyotu nutti dubbata.

Yesuus jireenya kadhannaadhaan guute jiraate. Ganama obboroodhaan ka'ee kadhachaa ture, Kadhannaatiif bakka addaa dhaqe, akkasumas waaqayyoo waliin ifaadhumaatti haasa'aa ture. Inni fakkeenya keenyaadha. Akka isaatti akka kadhannuuf waamicha nuuf gochaa jira.

Mee Waliin Hakadhannu.

Yeroo kadhannaa (Daqiiqaa 30–45)

Gareen kadhataa hundumtuu haala garagaraa itti waliin kadhata qabu. Daqiiqaa 30-45 itti aanee jiru kana keessatti akkaataa hafuurri qulqulluun isin qajeelcheen kadhata tokkummaadhaan akka isin qabaattaniif isin jajjabeessina. Kadhannaan haasawaa gabaabaa (hima 1-3) qabu ni jajjabeeffama. Kun akka namootni heeddun yeroo heedduu kadhataaniif gargaara. Armaan gaditti fakkenyotni muraasi karaa mata duree caaffata qulqulla'aa, kadhannaan muraasi dhiyaataniiru. Akkasumas karaa heertuu kan biros kadhachuu ni dandeessuu, kadhata keessan keessattis mata dureewwan kan biroos hammachiisuu ni dandeessu. Yaada kadhanna argachhuuf qajeelfama geggeessaafi gaaffii kadhannaa waldaa addunyaawaa ilaalaa.

Sagalee Waaqayyootiin Kadhachuu — Luq. 11:1

“Yesus iddoo tokkotti in kadhata ture; kadhannaa isaa erga dhaabee booddee, bartoota isaa keessaa tokko, “Yaa gooftaa, . . . kadhachuu nu barsiisi!” jedheen.”

“Yesus Iddoo Tokkotti In Kadhata Ture”

Abbaa, akka Yesuusitti kadhachuu nu barsiisi. Sababa dhiyeessuu, yaadni keenya hiraamuufi hojiin nutti baay'achuun ko'eessa ta'uu keenyaaf dhiifama si gaafanna. Yeroo hundumaa yeroofi bakka itti si waliin wal arginu filachuu akka dandeenyuuf nu gargaari. Waanta nuti dursa kennaafii jirru jijjiiriitii amala haaraa isa gara argamuu keetti nu geessu nuuf uumi.

“Gooftaa, Kadhachuu Nu Barsiisi”

Gooftaa, Eeyyee, akkuma bartootatti agarsiifte nuttis akkamitti akka kadhannu agarsiis. Fakkeenya bareedaa kadhannaa Gooftaa nuuf kenniteef galatoomi. Akkamitti kadhannaafi jireenya keenyaan si fakkaachuu akka dandeenyu nutti agarsiisi. Hafuura Qulqulluudhaan nu guuti, akkasumas kadhannaa keenyaan mana, waldaafi, hawwaasa keenya jijjiiruuf itti fayyadami.

Yaadota kadhannaa Dabalataa.

Galataafi Hooqubaa: Eebba isaa addaatiifi gaarummaa isaatiif galateeffadhaa.

Cubbuu Himachuu: Daqiiqaa muraasaa qalbii jijjiirrannaa dhuunfaatiif itti fayyadamaatii dhiifama isiniif gochuu isaatiif immoo waaqayyoon galateeffadhaa.

Qajeelfama: Qom-qabaa keessa jirtuufi murtoowwan garaa garaatiif waaqayyoon ogummaa kadhadhu.

Waldaa Keenya: Fedhii naannooleefi addunyaatiif kadhadhu, (waraqaa xiqqoo gaaffii kadhannaa qabu ilaali)

Gaaffii Naannoo: Waanta amantootaaf amma barbaachisuuf, maatiifi oollaaf kadhadhu.

Dhaggeeffadhuutii Deebii Kenni: sagalee deebii waaqayyoo dhaggeeffadhuutti yeroo fudhadhuutii galataafi faarfannadhaan deebisi.

Yaada Farfannaa Dabalataa

Faarfannaa Adv. Guyyaa 7^{ffaa}: Yeroo kadhannaa mi'awaa (#478); Kadhannaa keenyaa dhaga'ii Gooftaa (#684); Yesuus keessatti michuu akkamii qabnaa? (#499)

Faarfannaa kan biroos: Dursa barbaadi; Ija kee Yesuusitti deebifadhu; Yeroo akkasii keessatti